

***** ER-verg. d.d. 15.02.2022 *****

AGENDAPUNT : 6.

ONDERWERP : Beantwoording vragen conform artikel 45 Reglement van Orde

TOELICHTING : De voorzitter draagt aan dat het college conform artikel 45 van het RvO een tweetal schriftelijke vragen heeft ontvangen van Fractie Coffie op 14 en 17 januari betreffende de volgende onderwerpen: "Deklarashon Diputado tokante di BOPEC i su tereno (ER-2022000013)" en "Tereno Cargil (ER-2022000018)". Fractieleider Coffie wordt in de gelegenheid gesteld om de brieven.

Gedeputeerde Kroon doet een poging om de vragen van beide brieven te beantwoorden. Fractieleider Coffie merkt op teleurgesteld te zijn dat de antwoorden op de schriftelijke vragen niet of niet voldoende voorbereid zijn waardoor het college niet in staat blijkt te zijn om deze fatsoenlijk te beantwoorden.

**TOEZEGGING &
VERZOEKEN :**

- Raadslid Coffie verzoekt de voorzitter om de beantwoording van de schriftelijke vragen uit te stellen gezien het feit dat deze niet voorbereid zijn.
- Gedeputeerde Kroon en de gezaghebber zeggen toe het onderwerp inzake de actuele status van BOPEC (en de grond) eerst in het college te zullen bespreken om vervolgens in de eerstvolgende vergadering na heden terug te zullen komen hierop.
- Gezaghebber zegt, op verzoek van raadslid Abraham, toe om de behandeling van schriftelijke vragen conform artikel 45 RvO in het college te bespreken zodat de brieven op een gedegen manier voorbereid worden ter beantwoording in de openbare vergaderingen.

BESLUIT : Beantwoording van beide brieven zal in de eerstvolgende vergadering na heden plaatsvinden.

***** ER-verg. d.d. 15.02.2022 *****





Na Kolegio Ehekutivo
Parke Wilhelmina #1
Kralendijk
Bonaire C.N

**Frakshon Coffie
Konseho Insular Bonaire**

Pasanggrahan
Parke Wilhelmina 2
Kralendijk
Bonaire, C.N.

Persona di kontakto:

Désirée Coffie
Miembro di Konseho Insular

T: 715 5330 tst. 1414
frakshoncoffie2020@gmail.com

Apresiabel Kolegio,

Ku asombro mi a tuma nota di deklarashonnan di diputado P. J. Kroon den medionan sosial, den kua e ta indiká ku mester pensa pa duna e tereno di BOPEC otro destinashon. E ta motivá su pensamentu entre otro a base di e supuesto ponensia ku lo no tin interesado pa kontinuá ku operashon di almasenahe di produktonan petrolero i tambe ku mirando ku Boneiru a skohe pa "blue destination", un almasenahe di produktonan petrolero lo no ta kuadra den e vishon ei.

Fecha:

14 di yanüari 2022

Tópiko:

Deklarashon Diputado tokante di BOPEC i su tereno.

Referensia:

FC2022001

Mas asombrá mi a keda, ya ku tantu Kolegio Ehekutivo, Konseho Insular, Diálogo Sentral, den kua tantu e organisashon di dunadónan di trabou komo sindikalismo semper a boga pa tene BOPEC habrí i kontinuá ku e operashon, mirando e benefisionan ekonómiko, sosial i finansiero ku esaki lo tin pa nos isla. E deklarashon di BOPEC bankarota tabata tambe ku e mira pa trese klaridat i asina mas lihé posibel logra un kontinuashon di e operashon.

Tambe a asombrá mi persona ku e supuesto "vishon" nobo di e diputado òf Kolegio Ehekutivo aki nunca a keda presentá na Konseho Insular komo parti di e programa di gobernashon aktual, miéntras ku e di tres reportahe di e "Curator" ta kontradesí totalmente e ponensianan di e diputado, esta ku no tin interes pa operá e facilidat. Al kontrali e reportahe ta indiká ku tin hopi interes i ku ta netamente Kolegio Ehekutivo tin ku karga su responsabilidad den esaki pa asina duna mas garantia na esnan interesá pa bin ku proposishonnan konkreto pa tuma e operashon.

Ta di lamentá ku apesar di tantísimo korespondensia di parti di mi persona pa ku e kaso di BOPEC, kaminda no ménos ku 400

hende a pèrdè trabou, Kolegio Ehekutivo, fuera di a pone 250 mil dòler pa paga salario di e kuerpo di trahadónan ku a keda pa vigilá e seguridat di e fasilidat no a hasi ningun esfuerso konkreto pa mantené e operashon di e fasilidat.

Ta p'esei hasiendo uso di artíkulo 45 di nos Reglamentu di Órden, mi ta hasi e siguiente preguntanan na Kolegio Ehekutivo:

1. Kolegio Ehekutivo a tuma nota di deklarashonnan di e miembro di Kolegio P. J. Kroon relashoná ku kontinuashon di operashon di BOPEC?
2. Kolegio Ehekutivo ta pará tras di tal deklarashonnan i por a fasilitá Konseho Insular e desishon di esaki tumá pa Kolegio Ehekutivo?
3. Kolegio Ehekutivo a hasi un inventarisashon di interesadonan den e kompania BOPEC pa sigui ku operashon di e kompania?
4. Pregunta na Diputado P. J. Kroon spesífiko: Diputado P. J. Kroon a hasi un inventarisashon di interesadonan den BOPEC?
5. E Curator a indiká den su di tres reportahe algun punto ku ta kai bou di responsabilidad di Kolegio Ehekutivo. Kolegio Ehekutivo ta disponé di e di tres reportahe aki i tambe tin konosementu di e loke e Curator ta pidi?
6. Si pregunta 3 ta si, Kolegio Ehekutivo por a fasilitá Raad e reakshonnan ofishal di parti di Kolegio Ehekutivo pa ku e petishonnan hasi pa e Curator?
7. Kolegio Ehekutivo por indiká ki korespondensia tin òf tabatin entre e Curator i Kolegio Ehekutivo?
8. Kolegio Ehekutivo por fasilitá Raad ku tur korespondensia entre Kolegio Ehekutivo i e Curator den kaso di BOPEC mas pronto posibel i dentro di 2 siman?
9. Kolegio Ehekutivo a hasi esfuerso (entre otro pidi konseho) pa sondia e posibilidatnan pa Entidat Públiko sea bira doño o partisipá den un kompania ku lo tuma over BOPEC?
10. Kiko ta e posishon ofishal di gobièrnu Hulandes pa ku kontinuashon di operashon di BOPEC na Boneiru?

11. Tin un estudio ku ta indiká ki opshonnan realístiko ta eksistí pa ku kontinuashon di operashon di BOPEC ta viabel i realisabel? E estudio aki a analisá tambe e impakto sosial-ekonómiko i finansiero di un posibel kontinuashon di operashon di BOPEC?

Nos ke risibí e kontestanan verbal den e próksimo reunion públiko di Konseho Insular.

Atentamente,



Désirée E. Coffie
Miembro di Konseho Insular Boneiru

Na:

Kolegio Ehekutivo di Entidat Públiko Boneiru
Atenshon sr. E. Rijna, presidente
Parke Wilhelmina #1
Kralendijk
Bonaire C.N

Frakshon Coffie
Konseho Insular Bonaire

Pasanggrahan
Parke Wilhelmina 2
Kralendijk
Bonaire, C.N.

Persona di kontakto:
Désirée Coffie
Miembro di Konseho Insular

T: 715 5330 tst. 1414
frakshoncoffie2020@gmail.com

Apresiabel Kolegio,

Cargill Salt Ponds Bonaire ta un entidat privá ku ta produsí salu na e punta sùit di nos isla. Nan tin un total di 3700 ha di tereno, di kua 2700 ha ta "wetland". E produkshon di salu ta tuma lugá via e sistema di evaporashon. E ta un sitio tambe ku ta atraé diferente sorto di para i otro bida biológiko. E ta un kompania si no e kompania ku ta tambe un atrakshon turístiko pa nos isla. Banda di esei e aria ta gosa di e protekshon bou di e tratado di Ramsar.

Fecha:
17 di yanüari 2022.

Tópiko:
Tereno Cargill

Referensia:
FC2022002

Segun suskrito tin entendí e derecho di èrfpagt ku e kompania tin lo terminá próksimamente den aña 2024. Papiando di 3700 ha di tereno mas tur e aktividatnan di naturalesa ku ta tuma lugá, lo ta bon pa haña sa vishon/maneho di gobièrnu pa ku e sitio aki.


Hasiendo uso di artíkulo 45 di nos reglamentu di órden, suskrito ta dirigí su mes na Kolegio Ehekutivo ku e siguiente pregunta-

1. Te ki dia e derecho di èrfpagt di Cargill ta kore?
Fabor di fasilitá Konseho Insular ku kopia di e akta.
2. Ta di kuantu tereno nos ta papia ku ta kai bou di e derecho di èrfpagt?
3. Den e aria di Saliña na sùit ei, tin tereno ku ta propiedat privá? Si ta asina Kolegio Ehekutivo por indiká ta kua parti, ki tamaño i ken ta e propietario?.
4. Pa loke ta e terenonan privá tin plan pa desaroyá esakinan? Si tin plan: duna un splikashon di e plan.
5. Kua ta e terenonan ku ta kai bou di e tratado di Ramsar? Porfabor inkluí tambe e asina yama "bufferzone".
6. Kiko ta bai sosodé ku e terenonan ku ta aktualmente na èrfpagt i di kua nan derecho di èrfpagt ta terminá na 2024?

7. Gobièrnu tin interes di tuma parti di e terenonan aki bèk i si t'asina; kuantu tereno i ku ki intenshon?
8. Tin negosiashonnan a kuminsá kaba ku Cargill pa ku e periodo despues ku e derecho di èrfpagt terminá. Gobièrnu por a indiká na Konseho Insular ta ken ta hiba e negosiashonnan i bou di kua "terms of reference" esaki ta tumando lugá?
9. Gobièrnu por kuantifiká pa Konseho Insular e balor ekonómiko di Cargill pa Boneiru? Esta kuantu trabou e ta generá, kuantu belasting e ta generá i bou di kua tipo di belasting e kompania ta kai i ki otro tipo di entrada direkto òf indirekto e ta generá?

Gustosamente suskrito ke risibí kontesta verbal riba e pregunta-
nan aki den e próksimo reunion públiko di Konseho Insular.

Atentamente,



Désirée E. Coffie
Miembro di Konseho Insular Boneiru